



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1860

86. Die Stadt Prenzlau warnt die Stadt Garz in Betreff drohender
Pommerscher Kriegsunternehmungen, am 2. April 1473.

Nutzungsbedingungen

[urn:nbn:de:hbz:466:1-55801](https://nbn-resolving.org/urn:nbn:de:hbz:466:1-55801)

86. Die Stadt Prenzlau warnt die Stadt Garz in Betreff drohender Pommerischer Kriegsunternehmungen, am 2. April 1473.

Vnsen fruntliken gruth meth vormoghe alles gudes voran. Erfamen günstighen leuen guden fründe. Alse gy vns geschreuen hebben van derfaringe weggen, efft vnses gnedighen heren lüden vnde landen schade vnde anfal to gheschicket worde, eyn den anderen vor schade to warrende, wye wes derfore etc., So isset meth jw vnde vns also gheleghen vnser eyn den andern sodans plichtich is vor schade to warrende. Bidde wy. gy, id in heymilicheit holden vnde vns dar nicht an melden, Men jwen fründen vnd borgern witliken don vnde meth den besten verfoghen, dat gy alle dingk in guder ware vnde retschop holden, wente wy hüden vp datum desses breues van eneme, dye van Stettin ghekamen was, de jw vnde vns gerne gudes gunnet, gheho- ret hebben, wo de van Stettin sick scholen gantz vnde al meth der trabanten mei- stern vnd met eren ghefellen vordraghen hebben, de vnse gnedige here met jw byn- nen Plach to hebbende vnde de legheleicheit wethen, dat sze em eyn dar an jwer stat inschicken willen, dar sze meynen wyse to to wethende, Dat yo de almechtighe god affkere vnde vns allen vor verderff vnde schade beware, vnde de sulue gude fründ, de vns dat ghefecht heft, wil dar vnghemeldet an wesen. Vortmer schal ghefecht wesen, de hilghe nacht sy so werdich nicht, dat fest sy so groth nicht, sze willen des nicht rüken noch schonen, wo id em kan vallen. Sodans wolde wy jw muntliken od- der scriftliken vorwitschoppet hebben, wen gy nicht bodeschop süß by vns ggehath hadden. Wes wy forder der wyse in vorfaringhe können krighen, das wy gerne gu- den vlyt by willen hebben, wille wy jw sunder süment witliken laten werden: Gode syt ewich beualen. Schreben am frydage na letare vnder vnserm secret, Anno do- mini etc. LXXIII^o.

Radtmanne to Prenszlow.

Dem Erfamen vnde wolwyfen Mannen kone klinckebil vnde N. parsten, Bor- germeistern der Stadt gartz, an der adern beleggen, Eren günstighen leuen guden fründen etc.

Nach dem Originale des Königl. Hausarchives.